



UNIVERSITÄTS-  
BIBLIOTHEK  
PADERBORN

**Antonii Milliei, Lvgdvnensis, E Societate Iesv, Moyses  
Viator**

**Millieu, Antoine**

**Lugduni, 1636**

Libri Sexti Argumentum, & Synopsis.

---

[urn:nbn:de:hbz:466:1-69066](https://nbn-resolving.org/urn:nbn:de:hbz:466:1-69066)





## LIBRI SEXTI

### Argumentum, & Synopsis.

**L**IBERATOS tandem ab Ægyptiâ tyrannide suos, & mari sub nube in Moyse, vt Paulus 1. ad Corinth. 10. ait, baptizatos, per vastam solitudinem circumducere Deus incipit ad experiendam eorum fidem, & virtutem exercendam. Postquàm ditati sunt Ægyptiorum spoliis manifestissimâ Prouidentix curâ, primùm tentantur aquæ dulcis inopiâ: ac postea deficiente com meatu annonariam sentiunt eandem Prouidentiam nutricem optimam suppeditato in quadraginta annos viatico, vt primas, acerrimâsque cupiditates moderari consuefcant fiduciâ in Deum parentem optimum: qui etiam coturnices in castra spargit; paulò post saxa, & scopulos soluet in fluuios, & in pocula sitientibus eliquabit. Quæ quidem parentis optimi prouidentia multò mirabilior elucet in Ecclesiæ sacramentis, Baptismo, Edulcatis Christi, Cruce persecutionum aquis, manna Eucharistico, & aliis gratiæ operibus, quàm illis rudiori populo prærogatis muneribus, vt allegoria facilis ostendit.

1 Israëlitæ, demersis Ægyptiis, relapso, clauso que sensim post terga mari, emergunt incolames in Surææ solitudinis littus.

2 Ægyptiorum spolia eodem aduoluuntur, Prouidentia ducente, & applicante, ad ditandos Hebræos: Exod. 14. 31.

3 Moyse moderatur cupiditatem prædæ, hortatus populum ad gratias Deo victori prius agendas, quàm legantur hostium spolia.

4 Præana ipse præit populo, canitque fatidico affatus spiritu, recinentibus choris Canticum Moysi;

M 3

EXOD.



182 *Libri VI. Argumentum,*

Exod. 15. Cheirosophiâ cantum comitante.

5 Maria, soror Moysis, eodem concitata spiritu foemineos choros tympano ducit.

6 Argumentum illi carminis, fatalis illa Draconi Mulier, quæ serpentis caput elisit in aquis, in ipso conceptu immaculato; tum Prouidentia, quam inuocat ad Israëlitas, velut teneros à Baptismo foetus suscipiendos, fouendosque materno sinu, deficiente iam Ægyptia farina.

7 Gratijs Deo actis, spolia leguntur: ea Moyses in medium collata partitur pro cuiusque necessitate, sepositis in Dei donaria Pharaonis exuuijs, gazaque præcipua. Spem, & fiduciam in Deum sibi ipse sortitur ex omnibus singularem.

8 Fama tantæ cladis, naufragâ Ægypto, luctum superstitibus instaurat: accurrunt ad Erythræa littora comploraturi suos: vestigia spectant antrorsum omnia, retrorsum nulla, quæ, vt perhibent, etiamnum durant.

9 Mœstissimi suis parentant in littore; illisque frustra conclamatis inanes tumulos statuunt.

10 Quintâ statione Suræo vasto tractu, positis ad Maram castris, siti tentatur populus ad falsas aquas, & murmurat, Exod. 15. 22. Fingitur hic amaror fraude virulenti Draconis auctus.

11 Populi querelas compefcunt Duces.

12 Oranti Mosi in trepidatione tanta tumultuantis vulgi, efficax edulcandis aquis lignum Deus ostendit. Quæ natura stirpis illius? Quæ medica vis? Iam tum pugnat, vincit, & regnat à ligno Deus.

13 Confirmat desperabundos Moses, & fiducia Prouidentia erectos conuertit ad miraculum purgandi fontis, iniecto ligno.

14 Allegoria mirifici ligni in salutifera Christi Cruce, quæ amaritiem vitæ omnem credentibus, & confidentibus abstergit. Omnipotentia quibusuis vitur instrumentis, quanuis ineptis. Sic Elifæus sanauit aquas iniecto sale, & colocynthidas farinâ, 4. Reg. 2. 22. & cap. 4. 41.

15 Sexta statio ad Elimæum palmetum, vbi duodecim fontes,



fontes, & palmæ septuaginta, Exod. 15. 27. Inde septimâ ad finum aliquem, vel paludem contiguam mari rubro; Num. 33. 10.

16 Octava statio in Sinea solitudine, vbi loci vastitate & squalore perterritus populus tentatur diffidentiâ rei frumentariæ, exhaustâ iam Ægyptiâ farinâ, & ineunte iam mense altero ab egressu. Sænit in Moysen verbis & querimoniis indignissimis.

17 Moyses interim eblanditur opem à nutrice Prouidentia, maximâ fiduciâ, & apud eam querulos excusat.

18 Aaron populi iras alloquio mulcet, eique spem facit.

19 Moyses certus promissæ in crastinum de cœlo annonæ, castigat verbis diffidentiam: coturnicum aucupium in illius diei cœnam promittit, indicitque, & in sequentem largam frumentationem, Exod. 16. 9.

20 Postquàm radiata Maiestas è nube populo fidem fecit promissæ opis, è maritimis statim locis elatæ coturnices feruntur in castra humili volatu, infinito numero. Totum hoc fuit Prouidentia suis alumnis festiuissimè colludentis aucupium.

21 Nox silentio, & tenebris diuinis apta mysteriis nocte stipatum manna.

22 Prouidentia collaudatos ab vsiratis ministeriis Angelos ad nouam alimoniam procurandam excitat, indicatâ materiâ, formâque, & modo stipandi rorulenti in nubibus succi, ad filiorum suorum delicias, collectis, eliquatisque omnibus in ferculum vnum admirabile cupediis, Sap. 16. 20. Mirificam illius vim, & efficacitatem prædicat, Mnemosynon mirabilium Dei, diuinique Verbi corporati, & edulis in Sacramento typum; & in cœlesti epulo victoribus pramium, Apoc. 2. 17.

23 Prouidentia pressis vberibus promit de sinu suo Manna ad specimen coriandri, vel incrustati saccharo anisi, feminibus, vel etiam vnionibus simile. Pistoriam inde docti Angeli, eam faciunt quadraginta annis, sparguntque sub Auroram, pruinosam matutinam alicam.



184 *Libri VI. Argumentum.*

24 Pernox Moses didicit farris insueti mysteria, cui manè populus admirans nomen indidit, rogitans, Quid hoc rei esset?

25 Moyses attonitos prodigio docet mirificam frugis illius vim, quando, quo demenso colligendum, sine curâ crastini; nisi in parasceue Sabbati: quæ habendæ gratiæ Deo, dum verum illud Manna Christus expectatur.

26 Gratiis Deo actis primus libat Moyses; quem sequitur ingenti gaudio populus, gustato Angelorum pane. Varij illius pinfendi, & coquendi modi indicantur. Mirabile illud 2. ad Corinth. 8. 15. *Qui multum non abundavit, & qui modicum non minoravit.* admirabilis & sapor, varietate infinitus.

27 Reposito aureâ in urnâ Manna ad beneficij memoriam, Moyses excurrens allegorico sensu excitat appetitionem illius veri Manna in Christo, cuius in adspectabili illo imaginem habebant. Ioan. 6.

28 Sabbato non spargitur Manna, neque corrumpitur. Peruicaces quidam illo die ad colligendum egressi castigantur verbis.

29 Sabbati religio & cultus traditur à Moysse, repetito summatim Mundi, & senum dierum opificio. Primæ diei opus creatio cœli & terræ, lucis, & Angelorum.

30 Diei secundæ opus, firmamentum in medio aquarum.

31 Tertix opus, segregatis aquis, aperta, & vestita terra.

32 Quartæ, Sol, & sidera illuminata.

33 Quintæ, volucres, & pisces ex aquis.

34 Sextæ, procreatis è terra animantibus formatio hominis, & animatio singulari arte.

35 Septimæ, quies & Sabbatismus filiorum Dei in Octauam beatissimam inclinans, & illucescens.

LIBER